

Yohane

ጋግሠጋጎ Gyankpapu

Nkpa Asón

¹ Anidé ጋግሠጋጎ ánfí wanlín sísí mlí tsú Asón á múú itehá nkpa, ibu unu asa ጋyí lelun amu iwí. Aní onutó anilónu mu asón, pú ansibi wun mu, ki mu, pú ibi da mu. ² Bulu léle Nkpa ጋhapó ánfí ጋwan súná aní, anilówun mu. Anidé adánsie gyí, bláa mlí aniaa, mutéhá nkpa ání itamatá ní. Mba ጋsí ámu nyጋ bu unu yáí, asa alalé mu ጋwan súná aní. ³ Asón ání anilónu pú tóá anilówun anidé mlí bláa, méní ania mlínyጋ abóbwe kole. Tsúfé ania ጋsí ámu pú mu Bi Yesu Kristonyጋ gyí kole. ⁴ Anidé mú wanlín sísí mlí, méní ania mlínyጋ ansigyí bófun.

Bulu Lówankí

⁵ Asón ání anilónu tsú mu Bi ámu wá, anidé mlí bláa gyí, Bulu lówankí. Oklún kúkkuku má mutጋ. ⁶ Mú su ní anidéblí aniaa, ania múnnyጋ anidé mbagyí, táme anitráa aniná oklúntጋ á, anidé afunu wa. Animédébwé dínká ጋጋkwali asón ámu su. ⁷ Táme ní aniná wanki amutጋ, fé alí á múú mu onutó ጋna ámu a, ikolebwé bu ania aní aba nsiné. Mú su mu Bi Yesu Kristo obugya amu tetin aní iwí tsú aní lakpantጋ.

⁸ Ní ablí aniaa, lakpan ma aní iwí á, anidé iwí mlé. Animá ጋጋkwali. ⁹ Táme ní alé aní lakpan bláa Bulu á, obésikié aní, tin aní iwí tsú lalahé féétó, tsúfé yilé ጋbwepó pú ጋጋkwaliጋv ogyi. ¹⁰ Ní ablí aniaa, animégyí lakpan abwepó á, anilawá mu afunutጋ. Idesuná ání animóho mu asón ámu.

2

Ani Bvale Ogyípó

¹ Mí abí adwepó, nde asón ánfí wanlín sísí mlí, méní mliméetrá bwe lakpan. Táme ní mlítò òkú òbwé lakpan á, anibú òhá ání otokókóli aní Sí ámu há aní. Múgyí yilé òbwepó Yesu Kristo. ² Tsúfè mólówu, pú mu obugya lé aní nwunsu mbusuo. Megyí aní nkúle pé lakpan, táme òyítò ahá fée klé.

³ Ní anidé Bulu mblasu gyí a, mú òbéha abébi ání anilabí mu ní. ⁴ Ní òkú òblí òbéé, “Nyin Bulu,” táme òtamagyi mu mblasu á, ofunupu ogyi. Òma òòkwali. ⁵⁻⁶ Táme ní òkú tegyi Bulu mblasu á, idesuná ání mu Buludwe lófún. Tóá íbéha abébi ání kùlèbwe bu ania Bulu nsiné gyí, anitsie nkpa fé Yesu Kristo.

Mbla Pəpwe Amv

⁷ Apíó adwepó, megyí mbla pəpwe kuku ndewanlín sísí mlí. Mbla dada amóó mliyín tsú bré amóó mlíótsò hógyi amv ní. Mbla dada anfi igyi asón ání mlílanú dodo. ⁸ Táme mbla pəpwe igyi. Tsúfè Kristo tsiátò pú mlí klé lalé mú súná ání mbla pəpwe igyi. Oklún amv idetsóún. Wanki amv onutó idewankí dodo.

⁹ Mú sv òhá ání òbéé, òna wanki amutò, táme òde mu ba Okristoyin lu á, idesuná ání òtráa òbu oklúntò. ¹⁰ Òhá ání òtòdwé mu ba Okristoyin ná wanki amutò. Mú sv tòtòtò mééha mu òbwe lakpan. ¹¹ Táme òhá ání otolú mu ba Okristoyin mú tsie oklúntò. Òna oklúntò, sv omeyín òtínéá òyó, tsúfè oklún amv ílatin mu ansí.

¹² Mí abí adwepó, nde òwóló ánfí wanlín sísí mlí, tsúfè Yesu Kristo sv Bulu lasí mlí lakpan kíé

mli. ¹³ Mí así, nde ɔwɔlɔ ánfɪ wanlín sísí mli, tsúfɛ mlɪlabí ɔhá ámúú ɔbu ɪnu tsú ɔyí nfiasí ámu. Nyasubi, nde ɔwɔlɔ ánfɪ wanlín sísí mli, tsúfɛ mlɪlagyi Ɔbunsámsú.

¹⁴ Mí abí adwɛpú, nde ɔwɔlɔ ánfɪ wanlín sísí mli, tsúfɛ mlɪlabí Ɔsí ámu. Mí así, nde ɔwɔlɔ ánfɪ wanlín sísí mli, tsúfɛ mlɪlabí ɔhá ámúú ɔbu ɪnu asa Bulu lóbwe ɔyí ámu. Nyasubi, nde ɔwɔlɔ ánfɪ wanlín sísí mli, tsúfɛ mli hógyi ɔnó bu ɔnlɪn, Bulu asún bu mlɪtɔ. Mlɪlagyi Ɔbunsámsú.

¹⁵ Mú su nde mli fɛé bláa mbéɛ, mlɪmápu mli klɔn dínká ɔyí pú mótó atósó. Ní ɔku dé ɔyí ánfɪ dwe á, ɔméetalí trá dwe anɪ Sí Bulu ɛ. ¹⁶ Ɔyító ató ámu ɪku gyí, atɔ laláheá itedínká ɔha ɔwólɪ; atóá ɔha towun, itedínká mu ɔwólɪ pú ntobíá ɔha tɔpútsú ɪwɪ. Ɔnɪ ánfɪ odu kɔkɔkɔ imotsú anɪ Sí Bulu wá, ɔyí ánfɪtɔ itsú. ¹⁷ Ɔyí ánfɪ pú mótó atóá itedínká ɔha ɔwólɪ fɛé dɛtsúɔn. Táme ɔhá ání ɔtɔbwé tóá Bulu tekle obétsiá nkpa ání itamatá.

Kristo Alupú

¹⁸ Mí abí adwɛpú, bré tráhe ni. Mlɪkain ání bebláa mli beɛ, Kristo olupú ámu ɔbéba. Séi ánfɪ á, Kristo alupú tsɔtsɔtsɔ baba. Ɔnɪ désuná ání lélé bré tráhe ni. ¹⁹ Kristo alupú ánfɪ betsiá anɪtɔ asa bedali. Ní lélé anɪ klé bugyi á, tekɪ besi tsiá anɪtɔ. Amó anɪtɔdali lósuná ání bumegyí anɪ apíó Kristotɔ. Mú su bedali anɪtɔ ní.

²⁰ Táme mli mú á, Kristo lapú mu Ɔhe Wankíhé amu wá mlɪtɔ. Mú su mli fɛé mlɪlabí ɔnɔkwali amu. ²¹ Megyí beɛ mlɪmɛyín ɔnɔkwali amu, sù nde asún ánfɪ wanlín sísí mli. Mbóun alíá mɪyín ɔnɔkwali amu, pú alɪ ámúú mɪyín wankláán ání

ᾠτίνεά ᾠᾠkwali amv bu a, afunu kukukuku ima inu amv sv.

²² Ma gyí ofunupu kpᾠnkpᾠnti ánfí? Mvgyí ᾠhá ání olekiná ᾠbéε, “Megyí Yesu gyí Kristo, (ᾠhá ámóú Bulu ladá mv ofúli amv).” Idesuná ání alakíná ᾠsí Bulu mva mv Bi Yesu Kristo amv. Mó sv mvgyí Kristo olupú amv ni. ²³ Tsúfé ᾠhá ání okíná Bulu mv Bi amv lakíná mv Si Bulu é ní. Táme ᾠhá ání ᾠlᾠᾠ mv Bi amv lahᾠ mv Si amv é.

²⁴ Mó sv mlíha asón ámóú mlílónu tsú bré ámóú mlílótsᾠ hógyi amv isin mlíᾠ. Tsúfé ní isin mlíᾠ á, mómó ikolebwε bétsiá mlíha Yesu pú ᾠsí Bulu nsiné.

²⁵ Iní gyí tᾠá Kristo léhíε ᾠbéε méha aní, igyi nkpa ání itamatá amv ni.

²⁶ Ahá ámóú budekléá bémlé mlí amv sᾠ nde asón ánfí wanlín sísi mlí. ²⁷ Mlí mó á, ᾠᾠε Wankíhé ámóú Kristo lópᾠwá mlíᾠ amv bu mlíᾠ. Mó sv imehián ání ᾠhaa ᾠbétrá suná mlí atᾠ. Tsúfé ᾠᾠε Wankíhé amv tosúná mlí tógyítᾠ. Mv atosunáhé é igyi ᾠᾠkwali onutᾠ. Iní sv mlíkita tᾠá olosuná mlíᾠ, amlítsia Kristotᾠ.

²⁸ Iní sv mí abí adwεpᾠ, mlítsia Kristotᾠ. Fᾠwun ní ᾠbá á, péli méεkitá aní, abétalí fia mv. ²⁹ Ní mlíyin ání yilé ᾠbwεpᾠ Yesu gyí á, mómó mlíbí ání yilé ᾠbwεpᾠ Bulu mv bi okugyíᾠkv gyí.

3

Bulu Abí

¹ Mlíki alíá aní Sí Bulu tēhíé dwé aní sᾠ butetí aní mv abí. Lélé á, mv abí anígyí. Táme tᾠá svá ᾠyí ánfíto ahá bumeyín aní gyí, bumeyín aní Sí Bulu. ² Mí apíó adwεpᾠ, séi á, Bulu ahá anígyí. Alíá abébemlí wole ᾠᾠkónyá lé súná aní. Táme aníyin ání Kristo ᾠbá á, abélian mv, tsúfé abᾠwun alíá ogyi. ³ ᾠhagyíᾠha

ání ɔɔɔn ansí ání mélián mu tehá mu iwɔ tetɔn, fɛ alíá mu iwɔ letɔn.

⁴ Ɖhagyíɔha ání ɔtɔbwé lakpan á, ɔɔɔkɔsú líí Bulu mblasu. Tsúfɛ lakpan gyí Bulu mblasumágyi.

⁵ Mliyín ání Kristo léba ɔyító beɛ anɔ tsú anɔ lakpanɔ, táme mu mó ɔmɔbwe lakpan kɔkɔ. ⁶ Inɔ su ɔhá ání muá Kristo buɔɔe mbagyí tamatráa bwe lakpan. Mó su ɔhagyíɔha ání ɔtráa ɔɔe lakpan bwe mókɔwun Kristo, ɔmɔkúbí mu é.

⁷ Mí abí adwɛpó, mlímáha ɔhaa ɔmɛ mlɔ. Ɖhagyíɔha ání ɔtɔbwé yilé á, mu asón da ɔkpa Bulu ansító fɛ Yesu. ⁸ Táme Ɖbɔnsám mu bi, ɔhá ání ɔtráa ɔɔe lakpan bwe gyí. Tsúfɛ Ɖbɔnsám dé lakpan bwe tsú bréá ɔyí lefi asɔ ɔpá. Bulu mu Bi Yesu Kristo léba ɔyító beyintá Ɖbɔnsám gyumagyihɛ kugyíku.

⁹ Ahá ání babwé Bulu ahá buɔtamatráa bwe lakpan, tsúfɛ Bulu tsiátó bu amótó. Mó su buméetalí trá bwe lakpan. ¹⁰ Tóá abópɔbí Bulu abí pú Ɖbɔnsám abí gyí, ɔhagyíɔha ání ɔtamabwé yilé, ntée dwé mu ba mégyí Bulu mu bi.

Abadwe

¹¹ Asón ání mlɔlónu tsú bréá mlɔlémlí Akristofɔ gyí, adwéɛ aba. ¹² Mlímábwe mlɔ iwɔ fɛ Kain. Ɖɔbwe Ɖbɔnsám mu bi, mó mu gyama. Ntɔ léha sɔ ɔɔmɔ mu? Ɖɔbwe itɔ laláɛ, mu gyama mó lɔbwe itɔ wankláán su ɔɔmɔ mu.

¹³ Mí apíó Akristofɔ, imáwa mlɔ wánwan ní ɔyí ánfɔtɔ ahá buɔtolú mlɔ. ¹⁴ Anɔ mó aniyín ání anɔladáli lowu asɔ yó nkpa ání itamatátó, tsúfɛ anɔɔé anɔ aba dwe. Ɖhá ání ɔtamadwé mu aba lasin lowuɔ. ¹⁵ Ɖhá ání ɔtolú mu ba gyí ahá ɔmɔpó. Mliyín ání ahá ɔmɔpó ɔkɔkɔ má nkpa ání itamatá. ¹⁶ Alɔ ámúú Kristo lótsulá wú há anɔ ámu ɔlasúná anɔ alíá ɔdwe

gyi. Mú sɔ ilehián ání anɪ é abówu há anɪ aba alɪ kén. ¹⁷ Ní ɔku bɔ ató, alawun ání ku de mu ba hián, táme omowun mu nwe há mu a, mómó ɔméetalí blí ɔbéε, mutɔdwé Bulu. ¹⁸ Mí abí adwepó, ní igyi alɪ á, mlumápu ɔnókpán dwé aba. Mboún mliha apu anɪ bwehé pó ɔnɔkwali dwe aba.

Iklɔnwa Bulu Ansító

¹⁹ Ní anɪɔdwé aba alɪ á, mú abébi ání anɪbuo ɔnɔkwali amu ni. Mú sɔ ní anilí Bulu ansító á, tɔtɔ mééhan anɪ. ²⁰ Ní anɪ klɔn ihá anɪ pón kóráá á, Bulu yin asón dɔn anɪ klɔn, oyin anɪ bwehé kugyíku. ²¹ Apíó adwepó, ní anɪ klɔn méha anɪ pón bréá anilí mu ansító á, ifú méekítá anɪ. ²² Bulu ɔbéha anɪ tóá anidé mu kolí, tsúfé anidé mu mblasɔ gyí, anɪ tsiátó é légyi mu ansí. ²³ Mbla ání Bulu lówa há anɪ gyí, ahóo mu Bi Yesu Kristo gyi, adwe aba fé alhá Yesu lébláa anɪ. ²⁴ Ɔhá ání ɔde Bulu mblasɔ gyí a, muɔa Bulu babwé kole. Bulu bɔ mu klɔntɔ. Tóá itosúná anɪ ání ɔbu anɪ klɔntɔ gyí Ɔhe Wankíhé amú ɔlɔpáhá anɪ ámu.

4

Ɔhe Wankíhé Pó Ɔhe Laldhe

¹ Apíó adwepó, mlumáhɔ ahá féé ání beε, buɔbu Ɔhe Wankíhé amu asónsú gyi. Mboún mliɔɔ ɔhé ámú ɔ buɔepusúná ató ámu ki. Tsúfé Bulu ɔnósú atáipú afunupu tsɔtsɔtsɔ babólá ɔyí ánfítɔ. ² Inɪ apóbi ání ɔhé ámu itsú Bulu wá ní. Ní ɔku dé ató suná, ɔleblí ɔbéε, Yesu Kristo léln fé nyankpɔsa a, mómó mu atosunáhé amu itsú Bulu wá. ³ Táme ní ɔku léblí ɔbéε, Yesu méln fé nyankpɔsa a, mómó Ɔhe Wankíhé amu uma mutɔ. Kristo olupó ɔhé ámú mlólónuá beε, íbéba amu ni. Ilaba ɔyító dodo.

⁴ Mí abí adwepó, Bulu ahá mligyí. Mligyi Bulu onósú atóipú afunupu amusu. Tsúfé Ɔhé ámóú ɪbu mlɪtə ámu bu onlin dun móámóú ɪde ɔyí ánfɪtə ahásu gyí amu. ⁵ Yesu alupó ámu bomeyín Bulu. Ɔni su amó atosunáhé fée igyi ahá ání bomeyín Bulu atosunáhé. Mó su ahá ání bomeyín Bulu tóhə amó asónsú gyi. ⁶ Anɪ mú á, Bulu ahá anɪgyí. Mó su ɔhagyíɔha ání oyin Bulu tóhə anɪ asónsú gyi. Táme ɔhá ání omeyín Bulu tamahə anɪ asón. Ɔni anɪtəpóbi ɔnəkwali Ɔhé ámu pú afunu klé ni.

Bulu Gyí Ɔdwe

⁷ Mí adwepó, mliha adwe aba, tsúfé ɔdwe itsú Bulu wá. Ɔhagyíɔha ání ɔtədwé ahá a, Bulu mu bi ógyi, oyin Bulu. ⁸ Ɔhagyíɔha ání ɔtamadwé ahá méyín Bulu, tsúfé Bulu gyí ɔdwe.* ⁹ Alíá Bulu léle mu ɔdwe súná anɪ gyí, ɔləpu mu Bi ɔkəkónó ɔkole amu sísí ɔyító, ménɪ abótsun musu nyá nkpa ání itamatá. ¹⁰ Megyí alíá anɪtədwé Bulu gyí Buludwe ɔnəkwalisu. Mboun alíá ɔlədwe anɪ, pú mu Bi sísí anɪ, ání ɔləpu mu obugya le anɪ ɪwɪ mbusuo gyí ɔdwe.

¹¹ Apíó adwepó, ɪniá Bulu léhie dwé anɪ alɪ su á, ilehián ání anɪ é abódwé aba. ¹² Ɔhaa mókúhíe wun Bulu ki. Ní anɪdé aba dwe á, idesuná ání Bulu bu anɪ klontə. Mó su mu ɔdwe ləfun anɪtə.

¹³ Bulu lapó Ɔhe Wankíhé amu há anɪ. Mó su anɪlabí ání anɪa monyɔ anɪlabwé kole, ɔbu anɪ klontə. ¹⁴ Anɪlawun mú alɪ. Mó su anɪdé adánsɪe gyí anɪaa, anɪ Sí Bulu lówa mu Bi Yesu Kristo ɔbé, ɔbéle anyánkposé fée tsu amó lakpantə. ¹⁵ Ɔhagyíɔha ání olohogyí, ɔleblí ɔbé Yesu gyí Bulu mu Bi ámu a,

* **4:8** Bulu gyí ɔdwe asɪ gyí, ɔdwe itsú Bulu wá.

Bulu bu mɔtɔ, mu é ɔbu Bulutɔ. ¹⁶ Mú su anyin ɔdwéá Bulu bu ha ani, anilóhɔ mósú gyí.

Bulu gyí ɔdwé. Mú su ní ɔku tɔdwé Bulu pú mu aba á, ɔbu Bulutɔ, Bulu é bu mɔtɔ. ¹⁷ Iní désuná ání Bulu ɔdwé lɔfɔn anitɔ ní. Mú su aníméenya péli mu asón ogyíké, tsúfé anilatsiá nkpa ɔyí ánfɔtɔ fé Yesu. ¹⁸ Ɔhá ání Bulu ɔdwé bu mɔtɔ tamanyá ifú. Mú su ní anidé Bulu pú ani aba dwe á, aníméenya Bulu ifú. Tsúfé ahá ání buyin ání Bulu ɔbébití amó isɔ ténýá ifú. Iní su ní ɔku dé Bulu ifú nya á, ilosuná ání Bulu ɔdwé mɔfɔn mɔtɔ.

¹⁹ Anitɔdwé Bulu pú ani aba, tsúfé Bulu légyankpá dwé ani. ²⁰ Ní ɔku léblí ɔbéé “Ntɔdwé Bulu,” táme otolú mu ba á, ofunupɔ ogyi. Tsúfé ɔhá ání otolú mu ba ání otowun, méetalí dwé Bulu ání ɔmɔkówwun kí. ²¹ Mbla ání Yesu Kristo lówa há ani gyí, “Ɔhá ání ɔtɔdwé Bulu ɔdwéé mu ba é.”

5

Tsiátó Laláhesu gyi

¹ Ɔhagyíɔha ání olohogyi ɔbéé, Yesu gyí Kristo, (ɔhá ání Bulu ladá mu ofúli amɔ) a, Bulu mu Bi ógyi. Ní fɔtɔdwé ɔkwíró a, fɔdwé mu bi é. ² Mú su ní anidé Bulu dwe, anidé mu mblasɔ gyí a, mú abópubí ání anidé mu abí dwe ní. ³ Ní anidé Bulu dwe á, abégyi mu mblasɔ. Mu mbla ámu su gyí é ima ɔnlɔn. ⁴ Tsúfé Bulu mu bi okugyíɔku tetálí gyi tsiátó laláhesu. Ani hógyi anitɔpógyí mósú. ⁵ Ma ɔbétalí gyi tsiátó laláhesu? Ɔhá ání olohogyi ání Yesu gyí Bulu mu Bi ámu nkɔle ɔbétalí gyi mósú.

Yesu Kristo Iwi Adánsiεgyi

⁶ Yesu Kristo gyí òhá àní òlòtson ntsu móa obugyatò ba. Megyí ntsu nkuletò òlòtson. Òlòtson obugyatò é. Òḡe Wankíhé amu légyí asón ànfi ɪwɪ adánsiɛ, àní igyi ònòkwali. Òtamawá afunu. ⁷ Ató asa légyi Yesu ɪwɪ adánsiɛ. ⁸ Mógyí, Òḡe Wankíhé, ntsu pú obugya. Ató asa ànfi fée lèblí toku kule. ⁹ Ní ahá begyi adánsiɛ súná anɪ, anitohogyi a, mómó ilehián àní abóhò Bulu klé òn. Tsúfé mu onutó légyi mu Bi ámu ɪwɪ adánsiɛ. ¹⁰ Òhagyíòha àní òlòhò Bulu mu Bi ámu gyi lahò Bulu adánsiɛ ànfiɪv gyi mu klòntò. Alí kén òhagyíòha àní òmòhò Bulu adánsiɛ ànfiɪv gyi dé mu afunutò wa ní. Tsúfé òmòhò adánsiɛ ámuú Bulu légyi tsu mu Bi ɪwɪ ámuɪv gyi. ¹¹ Adánsiɛ ámu gyí, Bulu lapú nkpa àní itamatá há anɪ tson mu Bi ámuɪv. ¹² Òhagyíòha àní òbò Bulu mu Bi ámu bɪ nkpa àní itamatá. Alí kén òhagyíòha àní òma Bulu mu Bi ámu má nkpa àní itamatá ní.

Asón Tráhe

¹³ Mlilahò Bulu mu Bi ámu gyi. Mó sɪ nde òwulò ànfi wanlín sísí mli, ménɪ mlébi àní mliɪv nkpa àní itamatá. ¹⁴ Tóá itehá anitòwá klòn yó Bulu ansító gyí, akólí mu tógyítóá igyi mu apé á, otonú anɪ òme. ¹⁵ Ní anɪyin àní otonú anɪ òme a, mómó akólí mu tógyító á, anɪyin àní òbéha anɪ.

¹⁶ Mó sɪ ní òko owun mu ba Okristoyin dé lakpan bwe á, òbóò mpái ha mu. Bulu òbéha mu nkpa. Ahá àní amó lakpan méekpa amó wá lowutò asón ndeblí. Lakpan kv bɪ ɪnvá itekpá òhá wá lowutò. Megyí òhá àní òbwé lakpan ámu odu mbée mliɪvòò mpái ha. ¹⁷ Lalahè kugyíkɪv igyi lakpan, táme lakpan kv bɪ ɪnvá itamakpá òha wá lowutò.

¹⁸ Aniyin ání òhá ání alabwé Bulu mu bi òkòkò tamatsiá bwé lakpan, tsúfé Bulu mu Bi ámu togyo mu iwí. Iní sù Òbunsám tamatáli bwé mu tótò.

¹⁹ Aniyin ání Bulu ahá anígyí, táme Òbunsám dé òyító ahá féesú gyí.

²⁰ Aniyin ání Bulu mu Bi ámu laba. Alahá anlanú asón asi, méní abébi Bulu Ònòkwalipù amu. Ania monyò anilabwé kùle, ania mu Bi Yesu Kristo é anilabwé kùle. Lélé á, mu nkùle pé gyí Bulu Ònòkwalipù pú nkpa ání itamatá ámu ní.

²¹ Mú sù mí abí adwepó, mlíkí mlí iwí wankláán ikpísúmsó.

Bulu ntam pɔpwɛ; Nkonya
New Testament in Nkonya (GH:nko:Nkonya)

copyright © 2010 Wycliffe Bible Translators, Inc.

Language: Nkonya

Translation by: Wycliffe Bible Translators, Inc.

Nkonya

nko

Ghana

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Nkonya

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files dated 29 Jan 2022

01b09958-fa53-51d1-aae0-88c7e9302503